

KOLOSI

KUIMP TEPA IK KŪŁ

Ya Buk Ei Nga Puł Ei:

Pol ndi, mon ei ropa kŭn, Got nga rapa tenda ila wamp kuł nga uł ława etmun mbu, nimba mot ndupa, wote wamp mbu, ora ndupa Kraist nga uł mbu, wamp mbu kŭn tepa pora ndurum nitim.

Ya Buk Ei, Nam Ndi Rurum:

Ya Buk ei, Pol ndi, mon rurum.

Mon Ropa Nam Ngurum:

Pol ndi, mon ei ropa, Got nga rapa tenda wamp met Kolosi kona peng titim ila ropa ngurum.

Ui Nant Ila Rurum:

Mon ei, Pol Rom kona ila kan manga pepa rurum. Ei Kraist metung ei kŭn, mbuldung orunga pana 60 (AD) ila kuł rurum.

Ik Ronduł: Kolosi 2:9-10

Got nga numan pilpa uł etum mbu pora, Kraist nga kung ila peka ropa morum. Wamp nga uł etmin ronduł mbu kŭn, mel nant kanmun mbu nga pora, Kraist ei wu peng mumuk ei morum. Ei nga, enim Kraist kŭn molk, numan kont ila peka ranga mułui!

IK PENG KŪŁ

Rump

1:1-1:2 - Pol ndi, mon ropa, Kolosi wamp kuł ngurum

1:3-1:14 - Got ndi, Kolosi wamp kuł nga mondpa pili orunga etpa ronduł mundrum

1:15-1:23 - Kraist elim wamp mel rałpa kongun itim

1:24-1:29 - Pol ndi, Kolosi wamp kuł tupa rułndrum

2:1-2:5 - Mondpa pili orunga ronduł pangga, ik kol mbu, tuk mana ndui

2:6-2:23 - Kraist kŭn rump nduk molk, numan kont ei tamin

3:5-3:17 - Uł unt nga uł kont nga

3:18-3:21 - Wu amp mbu kŭn kangambuł na mbu nga ik

3:22-3:25 - Kongun wu mbu kŭn, en enim nga wu nuim mbu nga man ik

4:2-4:6 - Man ik kuŕ

4:7-4:17 - Pol ndi, Tikikus Onesimas raŕ tupa mundrum

Pol Ndi, Mon Ropa Kolosi Wamp Kuŕ Ngurum

1 ¹⁻²Na Pol, Kraist Jisas nga nombuŕa rung wu ei. Got elim nga numan ila, na tupa nombuŕa rung wu mundrum. Na kũn ana, Timoti raŕ moŕpuŕ, mon ei ropuŕ, enim Got nga wamp Kolosi kona ila Kraist monduŕ putmin wamp kuŕ kũn, mon rop ngunmbuŕ. Tũn nga pora, Got Tipam ei ndi, enim numan kai mbu ngumba, moŕpa kundi uŕ ei nga, enim kũn piyangga!

Got Ndi, Kolosi Wamp Kuŕ Nga Mondpa Pili Orunga Etpa Ronduŕ Mundrum

³Tũl ndi, enim nga orunga atinga rondurmbuŕ ei kũn, tũl ndi, Nuim Jisas nga Tipam Got ei kũn, angge ruŕ ruŕ nuŕtmbuŕ. ⁴Ei nambuŕ emel, tũl puŕtmbuŕ ei, enim nga mondpa pili orunga, Kraist Jisas kũn tek, Got nga wamp mbu kũn, wamp numan ngui uŕ ei etmin. ⁵Ik kupa, Rũnang Ik Kai kuŕ, enim kũn kuimp tepa urum ei kũn, enim muŕ kona ting mel mbu puŕtũng ei mel nokunduŕ mormin. Ei nga, enim nga mondpa pili uŕ ei kũn, wamp numan ngui uŕ etuŕ tek mormin ei, wi muŕ kona Got Tipam ei ndi, enim nga mel ting mbu tendpa kai etpa morum mbu ting. Ei nga, uŕ nuŕnũn mbu etuŕ mormin. ⁶Rũnang Ik Kai nga memp kai mbu omba pol ila oŕnga, akup muŕ uŕ mbila pora, tepa ndaip nuŕnũm. Ei kũn, enim unt ui ti puŕ monduŕ, Got nga wamp pol tuŕtũm uŕ ei, pilik tuŕ, akup minal pep rok enmin ei mel ku. ⁷Tũl nga kongun peng rap wu Epapras kũn, enim Got nga wamp ruŕ tuŕtũm uŕ ei, pilik kanduŕ tuŕtũng. Wu ei, Kraist nga kongun wu ronduŕ ei, tũl kongun etmbuŕ ei mel ku etũm. ⁸Enim Muŕnga ei ndi, nimba nguŕnga, wamp numan ngui uŕ etmin mbu, wu ei ndi, tũl kundpa nitim.

⁹Wote, uŕ puŕ ila, enim nga ik timan mbu, kuimp tep puŕtmbuŕ ui ei kũn, enim nga atinga rondur mint ormbuŕ. Tũl ndi, Got walduŕ, elim nga Muŕnga ei ndi, enim Got nga pitim uŕ mbu nga pilpa kungndi kai mat ngangga, pilpa kungũndi orunga, etpa piral ndupa tangga! Wote, pilpa mbi ndui uŕ ei, pilik teing nuŕmbuŕ atinga rundurmbuŕ. ¹⁰I tambuŕa kũn, enim Nuim ei nga numan puŕtũm uŕ mbu mel etuŕ, wamp kupa mbu molk, ruŕ ruŕ Nuim ei nga numan ngurum uŕ mbu ituŕ! Ei nga, enim nga kongun etuŕ, pek nok andurmuŕn puŕ orunga, Got nga uŕ kai mbu pilik kelik etuŕ, wote Got nga pitim uŕ mbu, enim kũn tepa mba ou itangga! ¹¹⁻¹²Tũlndi enim nga atinga rondur kũn, Got elim nga uŕ eng nui kai ronduŕ tetũm mbu ndi, enim etpa ronduŕ mundangga, wote enim mbun mindil uŕ pem mbila, ronduŕ puk molk, numan kũn koma ti uŕ mbila mint

etuk muŕui! Wote ambulk palk, Got Tipam ei kũn angge nui! Ei nambuŕ emel, Got ei ndi, elim nga tũpa mumuk rui kona ruŕang pi ei, enim tũpa ngumba pilpa tũpa kun, inditim kona ei ting. ¹³Got Tipam ei ndi, tũn wamp mbũ pora, rumbũŕ mul uŕ mbũ nga rondũŕ ila moŕmina, tũn etpa tũpa, wote ruŕ etpa mepa mba, elim nga Kangũm nga tũpa mumuk rui uŕ ila mepa purum. ¹⁴Wote, Got elim nga kangũm ei ndi, tũn nga uŕ kit etmin mbũ tinga nduŕnga, tũn akup wei mormun.

Kraist Elim Wamp Mel Raŕpa Kongun Itim

¹⁵Got ei mo ropa morum, kũnmin ei mel, Kraist kũndũrmũn. Kraist ei, Got nga kangũm kumina ei. Got ndi, mel mbũ pora, mim itim mbũ nga Kraist ei, ama oŕa orunga morum. ¹⁶Kraist ei moŕnga kũn, Got ndi, muŕ kona ila kep, ya mui kona ila kep, kũni nũkũni mel, mel tetũm mbũ pora itim. Wu king, gapman muna, wu Nuim na, wote mel namba mel tetũm mbũ pora, Got ndi, Kraist iti nilinga itim. Ei nga mel mbũ pora, Kraist moŕnga mint itim ei nga mel mbũ pora, Kraist nga tetũm. ¹⁷Kraist ei, kuimp tepa moŕnga kũn, mel mbũ pora akil tepa itim. Ei nga, Kraist nga rondũŕ ila mel mbũ pora, tũpa tenda etpa ambuŕpa morum. ¹⁸Rapa tenda ila wamp mbũ nga peng ei, elim morum. Wote, elim nga kũng kuŕ rapa tenda ila wamp kuŕ. Elim nga kangũm kumina ei, koŕpa kont mul uŕ ei nga, elim puŕ mondpa etpa, akup elim mel mbũ tũpa mana ndupa, elim kuimbal morum. ¹⁹Got elim nga numan ila, elim namba uŕ etũm mbũ pora, kangũm kũn ngumba rukũr ndurum. ²⁰Got elim nga kangũm ei moŕnga kũn, mui kona mel mbũ pora, aldpa elim ndi rukũr titim. Elim nga kangũm, nde peta ila kurum uŕ ei ndi, moŕpa kundi uŕ kai ei, muŕ kona ila kep, wote ya mui kona ila kep, mel mbũ pora, elim rukũr titim.

²¹Unt, enim Got kũn ruŕ etuk, el rui wamp mel molk, numan kit pendũk, uŕ kit mbũ etũng. ²²Wote akup, elim nga kangũm nde peta ila kurum uŕ ei ndi, enim etpa elim nga wamp mbũ randpa, elim nga kuimp keta ila wamp kun kai wingti kuŕ, muŕeing nimba itim. ²³Ei nga, enim nga mondpa pili orunga, rondũŕ pangga muŕui! Enim Ruŕnang Ik Kai ei, kuimp tek pilik tũtũng ni kuŕ, mel ti ndi kundpa, ekit ti nuŕangga! Na Pol, Ruŕnang Ik Kai ei nga kongun kindmant wu ei moŕũp, ik ei nilmba, mui kũmp kona mbila pora, pilik tũnmin.

Pol Ndi, Kolosi Wamp Kuŕ Tũpa Ruŕũndũm

²⁴Akup na ndi, enim nga nũmp mindil tũnt uŕ ei, numan enim. Nambuŕ emel, na nga kũng ei, wak rop, Kraist nga mindil nurum kũng nit ei, tũp rapũndũp etũp, ora nduimp nũmp it. Ei elim nga manga wingti ila wamp kuŕ nga, na nga kũng orunga, mindil timp uŕ ei ndi, Kraist nga mindil nurum kũng ei kũn mba, kapŕa etangga! ²⁵Got elim ndi, enim molk kai mundeing nimba, na wi ropa tũpa kindmant kongun ei tũpa

ngurum. Kongun ei, Got elim nga nombuŕa rung ik ei neimp nimba itim. ²⁶Ik ei, unt kor nga ui mbila, wamp nga kuimp keta ila mo ropa titim. Akup wamp kuŕ nga kuimp keta ila etpa mot ndunum. ²⁷Got nga numan ila pŕtŕm uŕ ei, elim nga uŕ mo ropa titim mbu, elim nga wamp mbu kŕn, tupa mot ndurum. Uŕ eng nui kai tetŕm mbu, wamp mbu nga pora tendŕtŕm. Ik mo ropa ei, Kraist ei nim kŕn rukŕr morum ei ndi, nim etpa tupa muŕ kona mepa mba. ²⁸Ei nga, Kraist nga Rŕnang Ik Kai ei, wamp mbu kŕn pora nŕmp ngurmŕn. Pilpa kungŕndi numan ronduŕ mbila, moŕpŕn wamp mbu, man ngumbun mbo endpŕn itamina, wamp tenda nimba, Kraist kŕn ok tŕk tenda etŕk, ronduŕ puk muŕeing. ²⁹Uŕ i itimp pilip kŕn, na nga ronduŕ ei, kŕmp kŕm ruk ndup, kongun ronduŕ mundŕp et ei, Kraist na kŕn moŕpa, kongun elinga et.

Mondpa Pili Orunga Ronduŕ Pangga, Ik Kol Mbu Tŕk Mana Ndui

2 ¹Enim pileing nŕmp ik ei mel nŕnt. Ei na ndi, enim kŕn, Leiyoresiya kona wamp mormin kuŕ kŕn, wote na kŕni nakŕndŕrmŕn wamp mbu pora nga tŕp rapŕndŕp kongun mindil tŕp et. ²Na kongun uŕ kuŕ et ei, enim nga mundmong orunga etŕp ndoimp rŕndamba wamp numan ngui uŕ ila molk kŕn, wote kapŕa en enim nga mondpa pili orunga etŕk ronduŕ munding ei nga, numan kŕn kai ei, kandŕk tŕk pileing. I etŕk molk kŕn, Got nga ik puŕ mo ropa tetŕm ei nga puŕ wu Kraist morum ei, pilik mbi nduing. ³Got nga pilpa kungŕndi ronduŕ mo ropa tetŕm mbu, Kraist kŕn peka ropa tetŕm. ⁴Wamp ti ndi, enim ik kol ropa ngumba, ik kunt kan iti nŕtangga nŕmp kŕn, enim kundŕp nŕnt. ⁵Na enim kŕn muŕi nambŕ. Ei wote, na nga numan ei, enim kŕn tenda punum ei ndi, enim kŕn mor. Enim Kraist kŕn ronduŕ mundŕk, mondŕk pilik kongun kupa etŕk mormin ei nga, na kandŕp kai pilip numan ngunt.

Kraist Kŕn Rŕmp Nduk Molk, Numan Kont Ei Tŕmin

⁶Enim Kraist Jisas enim nga Nuim ei nak rukŕr tŕtung. Akup ei kŕn, i ku etŕk, Kraist kŕn rup rok muŕui! ⁷Nde na ti, muŕi ila pilkan ngumba etŕm ni mel, Jisas kŕn pilkan nguk, enim nga mul orunga, Jisas tŕk manga paka rumŕnt randŕk itui! Enim Rŕnang Ik Kai ei ndi, mbo endŕtmŕn ni mel, uŕ mbu etŕk, enim nga mondpa pili orunga ronduŕ pangga, numan kai pilik, Got kŕn angge nŕi!

⁸Enim pilik tŕk mendŕk muŕui! Wamp mat ndi, Kraist nga ik mat nŕndŕnmŕn nŕk, ik nuwŕ roldŕnga mat nŕk, enim ik kol rok nguk, tŕk tiki pundi nŕpŕndeing. Wamp i etpa mbu, muŕi kona uŕ kurpa mbu etŕk, wamp kalk tŕk, etmin ik mbu mint nŕtmin.

⁹Got nga numan pilpa uŕ etŕm mbu pora, Kraist nga kŕng ila peka ropa tetŕm. ¹⁰Wamp nga uŕ etmin ronduŕ mbu kŕn, mel nant kanmŕn mbu nga pora, Kraist ei, wu peng mumuk ei morum. Ei nga, enim Kraist

kun molk numan kont ila peka rangga muʔui! ¹¹ Kraist kun kunda molk kun, kung kupti uʔ kupa ei kanduk tutung. Ei wamp nga etmin uʔ ei mon! Kraist koʔpa kont mba, tun nga nit mbu tinga ndurum. Uʔ ei, kung kupti uʔ kupa ei. ¹² Enim nu tutung ei kun, Kraist kun kunda on etung. Got nga ronduʔ ei ndi, Kraist on kona ila ʔoporpa oʔa mundrum nuk, monduk pilik nu tutung. Uʔ ila nga, enim Kraist kun kunda, on kona ila ʔopruk oʔa morung.

¹³ Unt, enim nga min orunga, koʔpa pora ndurum. Nambuʔ emel, uʔ kit mbu nga minal etung. Wote uʔ ti, enim wamp ruʔaip elpa kuʔ, mi ik ila rukur muʔi nambarmun. Wote akup, Got tun nga uʔ kit mbu pora tinga ndupa, enim etpa mepa mba, Kraist kun kup inditim. ¹⁴ Ei nga mi ik kuʔ ndi, tun ʔupa mana ndurum ni, Got ndi, ʔupa munduʔnga, Jisas Kraist nde peta ila pitim. Uʔ ni ndi, Got ndi, tun nga uʔ kit mbu kump kum ʔupa, mundpa pora ndurum. ¹⁵ Kraist nde peta ila pitim uʔ ei ndi, wu peng mumuk na, wu nuim na mbu nga ronduʔ mbu, ʔupa mana ndupa, elim mbi oʔa orunga titim.

¹⁶ Ei nga, wamp ti ndi, enim kun, ik poʔpa, nu rung na, ui wingti na, mowi kor na, uʔ mbu nga mi pendpa uʔ ti iti nutangga! ¹⁷ Uʔ mbu, wote pemba ei nga, akup to rondup kanmun, wote uʔ mbu nga mel kupa ei, wu Kraist. ¹⁸⁻¹⁹ Wamp ti ndi, enim nga ruk ting ila moʔpa, ur kump et nimba, muna elim mana ndup, angelo mbu nga atinga ror nimba uʔ mat em mbu ndi, enim ʔupa mana ndui nundangga! Wamp i etpa mbu rukur orunga, wamp nga mbo numan ei ndi, peka roʔnga, kung ei nga peng ei, wu Kraist morum ei ambuʔpa, gi ndui nandpa nutum. Kraist ei ndi moʔpa, kung ei paku nokundpa rung ropa elinga, kung na, ombil pilkan na mbu, Got nga numan ila putum ei mel ou etum.

²⁰⁻²¹ Ya muʔi kona numan kit ngurum uʔ mbila, enim Kraist kun kolk ping mel puʔangina, enim etpa titim. Ei nga, nambuʔ emel, ya muʔi kona nga numan kit mbu, kanduk tuk mormin? Nambuʔ emel, muʔi kona nga mi ik mat mim etuk, ‘Mel ei umbuʔi nambuʔi, mel ei nui nuni, muna mel ei, minda ndui nundi nuk enmin uʔ mbu nga teng ndui nundui?’ ²² Uʔ mbu, wamp nga ik mim etuk mbo enduk etmin. Uʔ mbu, pora nimba, wei ai etum. ²³ Ei kupa, mi ik kuʔ pilpun, tun nga orunga mana ndupun, kung orunga mindil ʔupun, mbi paka kupa rondrupn itumin. Wote, ik ei kupa nump punmun. Ei wote, mi ik kuʔ ndi, tun nga numan kit unt nga kandup tutmun uʔ mbu, kapʔa ʔupa mana ndui nandumba.

3 ¹ Got ndi, enim Kraist kun ʔupa kup endpa, ʔoporpa ʔupa oʔa mundrum. Ei nga, enim nga numan orunga mek puk, wi muʔi kona tetum mel mbu kun tiyangga. Kona ila Kraist Got nga ki mbo orunga, wu nuim mumuk morum. ² Enim nga numan ei, wi mul kona ila nga tetum mel mbu nga mint pilui! Enim muʔi kona mel kanmun mbu mon! ³ Enim korung ei nga, wote enim nga muʔnga kont ei, Got nga rukur orunga, wu

Kraist kən mo ropa morum. ⁴Kraist ei tən nga muŋga kont tep mormun ei nga Puŋ Wu ei morum. Wote, Kraist omba, mot nim ui ei kən, enim kunda rup rok, elim nga ruŋang eng nui ila ekit uing.

Uŋ Unt Nga Uŋ Kont Nga

⁵Enim ya mui kona ila nga uŋ kit mbu nga, enim nga numan rukər orunga, mbo rondnum uŋ mbu rok kundai! Ei wapra rui uŋ, uŋ ƭar mul uŋ, popuŋ kandpa ti uŋ, wamp ti nga mel kandpa kum pindi uŋ, uŋ ei (ik kol got ei nga, mbi paka rui uŋ ei). ⁶Nambuŋ emel, Got nga popuŋ ei, uŋ kit mbu nga eng wamp mbu kən omba. ⁷Unt molk orung ni mbila, uŋ kit mbu ndi, enim tupa kum roŋga, ƭawa minal etang. ⁸Akup ei kən, popuŋ kufi uŋ, popuŋ tukrapa mudi uŋ, wote pilpa kit pili uŋ mbu, wak rok penduk kilui! Ik mbuldung orunga nunduk, ik kit nuk etmin uŋ ei nga, enim nga keta ila, ekit ui nawangga mon! ⁹⁻¹⁰Wamp ti kən, ik kol rok ngui uŋ ei wak rui! Nambuŋ emel, enim uŋ kit mbu, wak rok, akup kang ti nga tuk, wamp kont kuŋ mormin. Mel mbu pora iti wu Got ei ndi, uŋ mbu mel endpa, enim ruk ruk etpa kont mundpa, enim etpa mepa mba, elim morum ei nga pilpa kungandi ei, ting nimba etam. ¹¹Uŋ mbu ekit ofnga, wamp ruŋaip elpa mbu kep, Jura wamp mbu kep, kang kupti wamp mbu kep, kang kupti nupti wamp mbu kep, kona roŋ wamp mbu kep, pilpa kun iti nuti wamp kep, kindmant wamp mbu kep, wei muŋi wamp mbu kep, wamp mbu pora, Kraist nga mint, Kraist ei, wamp mbu kən pora morum.

¹²Enim Got nga wamp kuŋ, elim ndi, enim numan ngumba wamp mbu, elim nga nimba mbi ropa titim. Ei nga, wamp mbu pora kont kulk, uŋ kai mbu mint itui! Enim ndi, en enim nga numan orunga mana nduk, wamp mbu kən, uŋ kun mbu mint itui! ¹³Enim nga ruk ila wamp ti kən, min monduk, wamp ti nim kən, uŋ ti ƭawa int nim ndam, Kraist ndi, nim nga ƭawa wak rundrum ei mel ƭawa ei, wak rundi ku. ¹⁴Uŋ kai mbu etkən, wote wamp numan ngui uŋ ei pendkən iti! Wote, wamp numan ngui uŋ ei ndi, uŋ mbu pora, tupa tenda endatam.

¹⁵Kraist ndi, enim moŋpa kundi uŋ ngurum ei, enim nga numan orunga nombuŋa mam ping ei nga rup etam. Ei nga, enim Got ndi, moŋpa kundi uŋ ila moŋina kandpa, enim wi ropa tupa tenda etpa, kang tenda kundrum. Ei nga, numan wang nduk angge nui! ¹⁶Kraist nga nombuŋa rung ik puŋ mbu, enim nga mundmong rukər orunga, kont mba piyangga! Wamp ti ndi, ti pilpa kungandi ronduŋ pili uŋ mbu nga mbo ronduk, man nguk itui! Got kən angge nuk, rom kaip nunduk, kinan mat nuk, numan kai pilik itui! ¹⁷Enim uŋ namba uŋ etuk, ik namba ik nuk eng mbu pora, Nuim Jisas nga mbi ila etuk, Got Wuta kən angge nui!

Wu Amp Na Kangambuŋa Na Mbu Nga Ik

¹⁸Enim amp mbu wanumul mbu nga mana orunga muŋi! Nuim ei nga kuimp keta ila, uŋ kun kai mbu nimba kandrum.

¹⁹Enim wu mbu ndi, ambunumul mbu, numan nguk, numan orunga etuk kit mundi numandui!

²⁰Enim kangambuŕa mbu ndi, tipanum manumul mbu nga ruk ruk ik teng ndui! Uŕ ei mel, eng ndam, Got etuk, numan wang nduing.

²¹Enim wamp tipam mamul mbu ndi, enim nga kangambuŕa mbu etuk, popuŕ kundi nukundui! I eng ndam, kangambuŕa mbu, pilik kit piling.

²²Enim kongun wu mbu, enim nga mui kona wu nuim mbu nga namba uŕ itui nang mbu pora, teng ndui! Kanduk mormin ei kun kongun etmin. Wote, kuni nakundramin ei kun, kongun iti natutmin. Ei nga, Oŕa Wu Nuim ei ndi, kandpa morum nuk pilik itui! ²³Enim namba kongun eng mbu, wamp ti nga enmin nuk pili napilik, Oŕa Nuim ei nga endinman nuk pilik itui! ²⁴Pilik muŕui! Nuim ei ndi, enim kongun etmin ei mel, numan wang ndui mel mat ngumba. Kraist ei, wu Nuim kupa ei nga, enim kongun endutman. ²⁵Wote, ŕawa eng wamp mbu, uŕ eng ei mel ku punt ropa ngumba. Nambuŕ emel, Got ndi, wamp mbu, to tenda ila mint kump tumba.

4 ¹Enim wu nuim mbu nga kongun kindmant wu mbu, rap etuk, nokunduk kai itui! Wi muŕ kona ila enim nga wu nuim ei moram. Ei nga enim pilik tuk menduk, uŕ mbu itui!

Man Ik Kuŕ

²Enim atinga rui uŕ ei, ronduŕ munduk ambulk muŕui! Atinga rok ei kun, Got kun numan kai penduk, angge nuk, atinga rui! ³Enim atinga rok kun, tun nga penduk atinga rangina, Got ndi, tun nombuŕa mam kai ti ora ndangga! Elim nga nombuŕa rung ik ei, Kraist kun mo ropa tetum mbu, nump nguimp. Ik ei nga nump kun, na akup kan manga ila pet.

⁴Atinga rok kun, na Runang Ik Kai ei, nump piral ndeimp nuk, atinga rundui! ⁵Enim nga ruk ting ila, mondpa pili nupili wamp mbu kun, pilik kongunduk muŕui! Kor muŕi nambulk, Runang Ik Kai ei nga, kongun pilik kelik indui! ⁶Enim nga ik nang ei, kun mba tungun itangga. I eng uŕ ei ndi, namba wuldi ik mat, wamp mbu kun, om ndam, tuk ruk mint punt rok kai munding.

Pol Ndi, Tikikas Onesimas Raŕ Tupa Mundrum

⁷Na kongun et uŕ mbu, Tikikus ndi, enim kun int omba, timan ropa ngumba. Tikikus ei, tun nga wu ungun mendruŕ ei, Nuim ei nga kongun wu kun kai, tun kun kongun rup ropa etum. ⁸Uŕ ei nga nump kun, wu ei, enim kun ngump mundunt. Tun etup mormun mel nant nimba kandpa, wote enim nimba ronduŕ mundpa etmba. ⁹Wu Onesimas, Tikikus ni, wu ei kun, tup kup endup mundunt. Onesimas ei, tun nga ungun wu kai ei, wote enim nga wu puŕ ei. Wu raŕ int enim kun okuŕ, ya ila penim uŕ mbu mel nuk, kai etuk nguinggil.

¹⁰Kan manga ila na kən, rup rop petumbəŋ wu Aristakas ndi, rawe ik kai mbə, enim kən nimba mundnəm. Wote, wu ti Mak, Banapas nga wu pam ei, enim kən rawe etpa, ik kai mbə nimba mundrum ku. (Wu ei, enim kən om ndam, na unt enim ik man ngur ni mel rawe etək tui!) ¹¹Wote, wu ti Josuwa, mbi ti tek, Justus nətmin ei ndi, rawe ik kai mbə nimba mundrum ku. Jura wamp mbə nga mondpa pili wu raldika kəŋ, na kən rup rok, Got nga wamp təpa mumuk rui kongun ei nga etmin. Wote, na nga puŋ orunga, ambulk pilik tək rapəndərmin. ¹²Wote, wu Epapras ndi, enim kən rawe ik kai mbə, nimba mundnəm ku. Wu ei enim nga wu puŋ ei, Jisas Kraist nga kongun endətəm ku. Rək rək enim nga nəndpa atinga ronduŋ mundpa ropa, Got waldpa, enim nga mondpa pili orunga, ronduŋ pangga molk, Got nga pətəm uŋ mbə mint, pep rok mətəing nimba etəm. ¹³Na wu ei nga morum puŋ orunga pilip kən, akup nəndənt ei, enim kən, Leiyorisiya, Iropolis kona raŋ nga wamp mormin mbə nga pora, rak ndupa wu ei ndi, kongun ronduŋ mundpa endətəm. ¹⁴Luk, tən nga numan mondurməŋ wu dokta ei kən, wu Dimas raŋ ndi, rawe ik kai mbə, enim kən nək mundunmbil ku. ¹⁵Tən nga angməŋ Leiyorisiya kona ila mormin mbə kən, wote amp Nimba nga manga ila, Got nga rapa tenda ila mormin wamp mbə pora, tən ndi, rawe ik kai mbə, nəmp mundənməŋ ku.

¹⁶Enim ya mon ei, kəmp rok, pora nduk kən, wote Leiyorisiya kona ila rapa tenda ila wamp mormin mbə, kəmp rok kəneing nui! Ui ei kən ku, enim ndi, Leiyorisiya wamp kəŋ nga mon rok ngung ei, kəmp rui ku. ¹⁷Wote, wu Akipas kundək, nək mel, “Pilpa kai etpa Nuim ei ndi, kongun ngurum ei, ronduŋ mundpa, etpa pora ndoimp ropa nimba pilpa etangga,” nitim. ¹⁸Na nga ki mendpuŋ kəŋ ndi, mon ei ront. Rawe ik kai mbə, na Pol kən tepa onum. Na kan manga ila pet, tək apra ndui nəndui! Got nga wamp poŋ ti uŋ ei, enim kən kan piyangga!